



Centraal Bureau voor de Statistiek

Inlichtingen: (+599 9) 8392300

Adres: WTC Building, Piscaderabay z/n

E-mail: info@cbs.cw

Website: www.cbs.cw

Facebook: cbscur

Komunikado pa Prensa

Willemstad, 26 di yüli 2023

Preisnan pa konsumidó na Kòrsou pa luna di mei 2023

Desaroyo di preisnan pa konsumidó na Kòrsou pa luna di mei 2023

Willemstad - For di sifra ku Ofisina Sentral di Statistik (CBS) a publiká awe, ta indiká ku e nivel di preis promedio a subi na luna di mei 2023 ku 0,2 porshento, kompará ku luna di aprel 2023. E sifra di inflashon a subi te na 7,0 porshento na luna di mei 2023.

Desaroyo di preis na luna di mei 2023 kompará ku luna di aprel 2023

Na luna di mei 2023 e sifra índise di preis pa konsumidó (CPI, "Consumer Price Index") di Kòrsou a subi ku 0,2 porshento, kompará ku luna di aprel 2023, esta el a desaroyá di 116,4 na aprel 2023 pa 116,7 na mei 2023.

Den mei 2023 mayoria kategoria di konsumo a subi di preis ku eksepshon di e kategoria di konsumo di bibienda (-1,0%). E kambio den preis mas signikativo den luna di mei 2023 ta e oumento di preis di konsumo di kuminda (1,0%), muebel i aparatonan doméstiko (0,7%), paña i sapatu (0,5%), bibida i produktonan di tabako (0,4%), salubridat (0,4%), i transporte i komunikashon (0,7%) di kual e preis di gasolin tambe a subi (5,1%), i un bahada den diesel (-4,8%). Loke a bira mas barata den e kategoria di konsumo ta bibienda (-1,0%), di kual elektrisidat (-4,7%), awa (-2,3%) i kerosin (-10,9%).

Desaroyo di preis luna di mei 2023 kompará ku luna di mei 2022

E sifra índise di preis pa konsumidó (CPI) di mei 2023 (116,7) ta 3,6 porshento mas haltu ku e CPI di mei 2022 (112,7). E sifranan aki ta indiká ku e mantenshon di kosto di bida pa konsumidó durante luna di mei 2023 ta 3,6% mas haltu kompará ku e mes un luna na año 2022. E kategorianan ku a kontribuí mas tantu na e subida aki ta kuminda (16,0%), muebel i aparatonan doméstiko (12,2%), paña i sapatu (11,7%), bibida i produktonan di tabako (9,1%), i rekreashon i desaroyo (8,4%).

Desaroyo di preis riba término largu

Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba término largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p'esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e año anterior. Si kompará e periodo di e último 12 luna te ku mei 2023, ku mes periodo un año anterior, ta resultá ku preisnan na averahe a subi ku 7,0 porshento: e CPI promedio di 12 luna a desaroyá di 108,5 na mei 2022 pa 116,1 in mei 2023.

Pa mas informashon por konsultá e wèpsait di CBS, www.cbs.cw

////////////////////////////////////